



# NORSK LOVTIDEND

## Avd. II Regionale og lokale forskrifter mv.

Utgitt i henhold til lov 19. juni 1969 nr. 53.

Kunngjort 4. desember 2024 kl. 14.25

PDF-versjon 4. desember 2024

15.12.2022 nr. 2718

### **Forskrift om endring i forskrift om godtgjersle for kommunale ombod, Bygland kommune, Agder**

**Heimel:** Fastsett av Bygland kommunestyre 15. desember 2022 med heimel i lov 22. juni 2018 nr. 83 om kommuner og fylkeskommuner (kommuneloven) § 8-3, § 8-4, § 8-6, § 8-7, § 8-8, § 8-9 og § 8-10.

#### **I**

I forskrift 14. mai 2020 nr. 1006 om godtgjersle for kommunale ombod, Bygland kommune, Agder blir det gjort følgende endringer:

§ 3 bokstav b skal lyde:

- b. representasjon utanom ordinære møte: Enkeltmedlem/varamedlem av kommunale politiske organ som blir pålagt av kommunestyre, formannskap, ordfører eller hovudutval å representere kommunen utanom ordinære møte, har krav på reise godtgjering samt erstatning for tapt arbeidsinntekt, etter denne forskrifta. Det blir ytt møt godtgjering i desse høve (unntak er dersom det blir ytt møt godtgjersle frå andre). I dei høva der det samla politiske organ blir oppmoda av ordfører eller leiar av utval til å delta på møte, t.d. orienterings-, folke-, og informasjonsmøte, blir det ytt møt godtgjering og ev. reise godtgjering og erstatning for tapt arbeidsinntekt.

§ 5 bokstav a skal lyde:

- a. legitimert tapt arbeidsforteneste blir utbetalt etter lengda på møtet og reise til/frå arbeidsstad/heim, med beløp inntil kr 4 000. Timegodtgjering blir å rekne som 1/7,5-del av dagsatsen.

§ 5 bokstav b skal lyde:

- b. ulegitimert tapt arbeidsforteneste blir godtgjort med kr 1 000,- pr. dag.

§ 5 bokstav c skal lyde:

- c. lønsmottakarar må dokumentere legitimert tapt arbeidsinntekt med erklæring frå arbeidsgjevar.

§ 5 bokstav d skal lyde:

- d. sjølvstendig næringsdrivande får etter egenerklæring erstatta tapt arbeidsforteneste inntil ulegitimert sats x 2,5 pr. heil dag. Tap utover dette må dokumenterast med næringsoppgåve/sist kjende likning.

§ 6 skal lyde:

### **§ 6. Møtegodtgjeringar for styre, råd og utval**

Møtegodtgjering blir gitt for plenumsmøte og plenumssynfaringar, kurs, seminar, foredrag, konferansar og møte som blir haldne av andre. Det blir ytt vanleg møtegodtgjering i desse høve (unntak er dersom det blir ytt møtegodtgjersle frå andre).

Kommunale arbeidstakarar som møter i kommunale styre, råd og utval som representantar for dei tilsette eller deira organisasjon har rett på møtegodtgjering når møte blir haldne utanom arbeidstakaren si arbeidstid.

Når ein representant deltek i fleire møte same dag, blir det utbetalt møtegodtgjering for kvart møte med unntak av administrasjonsutval/formannskap, og i dei tilfelle formannskapet har møte før kommunestyret og alle sakene i formannskapet skal opp i kommunestyret.

- a. medlemmer av kommunestyret får ei møtegodtgjering på kr 900 pr. møte.
- b. medlemmer av formannskapet får ei møtegodtgjering på kr 900 pr. møte.
- c. medlemmer av andre hovudutval får ei møtegodtgjering på kr 900 pr. møte.
- d. Varamedlemmer som deltek i enkeltsaker i delar av eit møte får ei halv møtegodtgjering, dvs. halv sats for det styre, råd og utval dei representerer.
- e. medlemmer som representerer Bygland kommune på møte i Setesdal Interkommunalt politisk råd, får ei møtegodtgjering på kr 900 pr. møte.
- f. medlemmer av kontrollutvalet får ei møtegodtgjering på kr 900 pr. møte.
- g. medlemmer av andre kommunale styre, råd og utval får ei møtegodtgjering på kr 900 pr. møte.
- h. godtgjersle som ikkje er prosentvis regulert, blir å indeksregulere kvart år.

§ 7 skal lyde:

### **§ 7. Faste godtgjeringar**

- a. ordførar: Godtgjering til ordførar er 1/1 stilling, og 90 % av til ei kvar tid gjeldande godtgjering til stortingsrepresentantar. Ordførar får ikkje utbetalt møtegodtgjering, fast godtgjering og erstatning for tapt arbeidsforteneste. Medlemskap i KLP.
- b. varaordførar: Godtgjering til varaordførar er 20 % av til ei kvar tid gjeldande godtgjering til stortingsrepresentantar. Varaordførar får ikkje utbetalt møtegodtgjering. Tapt arbeidsforteneste i samsvar med forskrift.
- c. leiar i Plan-, miljø- og ressursutvalet og leiar Levekårsutvalet:
 

Leiar PMR: Årleg godtgjering er 10 % av til eikvar tid gjeldande godtgjering til stortingsrepresentantar.

Leiar av Levekårsutvalet: Årleg godtgjering er 5 % av til eikvar tid gjeldande godtgjering til stortingsrepresentantar. Leiar får ikkje utbetalt møtegodtgjering. Tapt arbeidsforteneste blir utbetalt i samsvar med forskrift.
- d. leiar i kontrollutval: Årleg godtgjering lik 5 % av til eikvar tid gjeldande godtgjering til stortingsrepresentantar. Leiar får ikkje utbetalt møtegodtgjering. Tapt arbeidsforteneste blir utbetalt i samsvar med forskrift.
- e. leiarane i andre kommunale styre, råd og utval: Leiarane i andre kommunale styre, råd og utval som ikkje er nemnde under § 7 punkt c og d får ei møtegodtgjering som er 1,5 gonger vanleg møtegodtgjering. Når andre fungerer som leiar av eit utval, får vedkomande godtgjering som er 1,5 gonger møtegodtgjering.

- f. andre faste godtgjeringar: Medlemmene i hovudutvala får ei fast årleg godtgjering på kr 3 500 i tillegg til fast møtegodtgjering og tapt arbeidsforteneste. Godtgjersla blir utbetalt etter prosentvis frammøte til faste (ev. vara-) medlemmer i hovudutvala.

§ 9 nytt tredje ledd skal lyde:

Dersom ordførar ikkje fortset etter nytt val, blir det utbetalt feriegodtgjering. Feriegodtgjeringa tilsvarar satsane i Hovudtariffavtalen i staten, og blir rekna av godtgjeringa siste heile år i valperioden.

## II

Forskrifta trer i kraft 1. januar 2023.